

爾

雅

補

注

爾雅補注卷三

海甯周 春菀兮

鄂州云藿者山韭韓詩六月食鬱及藿謂此物也毛詩作  
藿以鬱爲棟屬藿藿藿鬱實大如李五月時熟藿藿亦是  
鬱類而小別卽藿李是也幽土務農所植皆百穀百蔬有  
益於民者鬱藿等不登于籩不用於摯正爾食之何補飢  
渴似兒戲耳不若鬱菜及藿之可以食賤者也然齊韓毛  
鄭其詩異說故並存著之說文又曰藿山韭也息廉切  
鄂州云物類相感志稱列仙傳昔有仙人隱勤山服沉麴  
之葉又引孫炎曰帝登嵩山遭積芋草毒得蒜乃嚙之解  
毒乃收植之是則以勤蒿爲兩山之名出此麴蒜爾勤蒿

既爲兩山則藿茗又爲山名下文薛山斲木山薊獨不可  
通可知其妄也况沆薺是天地間六氣之名非山中之草  
既謂之曰薺不當復稱沆薺也勤山又當安在乎說文曰  
藪菜山中者名執

廣韻勤一作茈音佩

鄂州云釋草藹山蒜說文曰葷菜也生山中者名藹不注  
其狀今蒜有大蒜小蒜本草蜀本注圖經曰小蒜野生小  
者一名藹苗葉根子似葫而細數倍然則小蒜卽藹爾爾  
雅則以小蒜爲蒜大蒜爲葫按爾雅並無蒜卽葫之說疑  
鄂州誤記本草爲爾雅也  
承俗稱爾孫炎乃云帝登藹山遭藹芋草毒將死得蒜乃  
嚙之解毒乃收植之能殺蟲魚之毒則是藹是山名其上

出蒜耳與郭異說也

樊光云木槿華朝生暮落與草同氣故在草中

宋史田敏傳敏篤於經學好爲穿鑿所校九經頗以獨見自任爾雅木槿注曰日及改爲白及如此之類甚眾世頗非之按白芨卽今箬蘭花根其花淺紅似蘭與木槿迥別不辨自明也日及朝開暮謝蓋有朝不及夕之義

鄭云朮山薊蒼朮也楊枹薊白朮也

鄭云箭櫻櫚也葩未吐時割去須而取之曰櫻魚淪而食之甚美南方又有虎散枕柳冬葉蒲葵椰子檳榔多羅等與櫻櫚同類

鄭云蘆草亦名菴蓐

按菴竹之說不一或分菴爲王芻竹爲蕭竹容齋隨筆宋時專主此說或以爲淡竹葉或以爲木賊草皆未必是今水旁自有一種細竹叢生而不高大者當卽此歟

鄭云拜商藿疑卽商陸

藿今俗呼蒿菜蓋蒿之大者菜類可爲菹菹一名蕭今俗呼青蒿治暑可入藥古人用以祭蓬亦名蓬蒿今俗以爲粉餌蕭許叔重以爲艾亦可備一說與冰臺重出耳

齧彫蓬薦黍蓬疏從郭注三字爲注鄭以齧薦爲句彫蓬黍蓬爲句注云彫蓬米芟也其米謂之彫胡黍蓬野芟也以只可爲薦故曰薦

鼠尾可染阜御覽引之以爲孫炎說

齊民要術引犍爲文學云薺有小故名大薺鄭云極似薺菜但葉差大而莖稍高耳

鄭云虎杖似馬蓼而無毛

鄂州云狼尾草子作黍食之令人不飢

瓠匏今俗呼藥瓶葫蘆以貯物不可食又有一種長頸者亦名葫蘆又名扁蒲乃瓜類可食中亦有子

文選注說文辨瓜中實也白莧切一作辯字音練辨與練字通

鄭云周禮庶氏掌除蠱毒以嘉草攻之陳藏器以蘘荷與

茜卽茹爲嘉草

儀禮注韎韐合韋爲之士染以茅蒐因以名焉正義云案

爾雅茹蘆茅蒐孫氏注一名蒨可以染絳然則一草有此三名矣但周公時名蒨草爲靺草以此靺染韋合之爲靺因名靺爲靺鞞也

鄂州云說文曰茹蘆人血所生故蒐从艸从鬼一名地血能治血

又可染赤

疏引陸璣詩疏云蒨舊說及魏博士濟陰周元明皆云菴簡是也韓詩及三蒼說悉云益母故曾子見益母而感蒨鄭箋作離釋文云音同

農師云或曰鷓綬鳥也故鷓有雜色似綬其字从鷓

鄭云鷓疑卽赤孫施草也按昆蟲草木略酢漿草南人曰孫施去銅鑰垢所謂赤孫施當卽此草之赤色者

禮記正義云隋祕書監王劭勘晉宋古本皆無稷曰明粢  
一句立八疑十二證以無此一句爲是然黍稷爲五穀之  
主是粢盛之貴黍旣別有異號稷何因獨無美名爾雅又  
以粢爲稷此又云稷曰明粢正與爾雅相合按粢乃穀之  
總稱周禮小宗伯六粢是也以稷爲五穀之長故獨得稱  
粢

粢稷郭本舍人說鄭云今謂之稌五穀之長故以爲粢盛

鄭又云稷苗穗似蘆而米可食今人謂之稌粢梁今糯也

爾雅以粢爲稷誤也按許白雲云黍稷相類但黍黃而稷

黑黍小而稷大黍今俗呼蘆稷亦作稌黍稷今俗呼高粱豈

以亦有梁名楊泉物理論梁者黍稷之總名或粢稌音近故歟



農師云爾雅藜白蒿夏小正謂之由

一作游

胡郭云未詳仙經曰

白蒿白兔食之仙爾雅云藜菟葵

今本作葵

豈謂是歟按楚公

說據仙經誤鄭又以白蒿為卽茵陳蒿白兔食之仙亦疑誤洪容齋云兔葵燕麥見北史邢劭傳劉禹錫用之葉廷珪海錄碎事曰兔葵苗如龍芮花白莖紫燕麥子似麥亦曰雀麥按卽後所云菥兔麥也

鄭云黃

夷衍寅三音

菟瓜俗呼新羅葛月令謂之王瓜

鄭云藟蒞天名精也今謂之火簽一曰劉愷草異苑云宋元嘉中青州劉愷射中一麇既剖五藏以此草塞之蹶然而起去之則仆如此者三是以知其治折傷故名疏引藟蒞一名玉門精見本草坊本玉訛作王

厚齋云西京賦戎葵懷羊爾雅曰薹懷羊璞曰未詳

農師云釋蟲曰螽羅也釋草又曰莪蘿也蓋蛾所以生蠶  
莪亦所以覆而出之此莪亦謂之羅歟

鄭云莪似艾而細可食

蓄蓄郭注以爲可啖鄭以爲卽商陸

莢鄭音迥萎蕤也按一名玉竹入藥

蕭音扁按蕭蓄卽今淡竹葉非必淇澳之筴竹也

歲寒漿今俗呼掛紅燈按鄭云其實如撮口袋中有珠子  
熟則紅關中謂之洛神珠亦云王母珠

煦樊光作駁

農師云今驗近本之瓜常小末則復大故曰其紹飈

芍鳧苳鄭云今亦謂鳧苳根作小塊生水田中可食按今俗呼地栗鄂州云又有一種根苗似鳧苳而白亦生下田中葉有兩歧如剪刀開白花三出名爲茨菰

苳亦作菰

菰亦作稊

鉤芡郭云大如拇指中空莖頭有臺似薊初生可食鄭云苦芡也今謂雞頭二說互異

蘇鄭云此紫蘇也葉實俱良

本草云蓼類甚多有青蓼香蓼水蓼馬蓼紫蓼赤蓼木蓼七種按今蓼花多生水邊有大紅粉紅兩色未見餘種也鄭云蓼有三種按陶氏曰一種紫蓼一種青蓼一種香蓼

其葉有圓有尖以圓者爲勝入藥用蓼實有一種馬蓼亦可入藥其最大者謂之葑草亦謂之龍葑爾雅曰紅龍古其大者歸

蓼藪郭未詳鄭云卽苕也音條惕

周禮疏云鄭云秬如黑黍一稗二米者按爾雅云秬黑黍一稗二米此爾雅上文云秬黑黍是一米之秬直可以秬爲名下文云秠一稗二米亦是黑黍特無黑黍之名但二米之秬貴此鬯酒用二米者故鄭云秬如黑黍此據爾雅下文之秬其狀如上文黑黍者若然爾雅云秠一稗二米不言黑黍者爾雅主爲釋詩案生民詩云維秬維秠爾雅云秬黑黍卽是維秬者爾雅云秠一稗二米卽是維秠者

也若然爾雅及詩云秬者卽黑黍之皮以皮而見秬是以鄭志張逸問云鬯人職註云秬如黑黍一稭二米按爾雅秬一稭二米未知二者同異鄭答云秬卽其皮稭亦皮按爾雅重言以曉人更無異稱也鄭云重言者稭旣是皮復云稭亦皮是重言也恐人不知秬是皮故重言稭稭是一還是秬故更無異稱也

鄂州云釋草秬黑黍秬一稭二米是秬與秬之所以異者在此然則秬必不黑秬不必一稭二米也而鄭氏釋春官鬯人旣云秬如黑黍一稭二米則是以秬之狀雜之于秬郭氏解釋草又云秬亦黑黍則是又以秬之色雜之于秬秬旣欲兼秬之狀秬又欲兼秬之色凡物之所以紊亂不

復可推究者由此故也郭氏又引漢和帝時任城生黑黍或三四實實二米得黍三斛八斗以顯二米者爲黑黍且任城所生漢之異事世所未有詩歌后稷降播乃民事之常如必待任城所生而後降之則沒世不可待矣至唐說者又言今世上黨民間黑黍或值豐歲或往往得二米者但稀闕而得之不以充貢耳以此附成郭氏之說且后稷所降旣謂之種何得以豐歲偶有一二爲說若皆以豐歲言之則禾有同穎麥有兩岐又可待以爲種耶按今百穀之中一稔二米者惟麥爲然捨麥未有二米者說文解秬亦云一稔二米詩云誕降嘉種維秬維秠天賜后稷之嘉穀也而解來字云周所受瑞麥來麩一來二縫秠與來麩

皆后稷所受于天皆一稭二米則是秬者正此來麩爾但  
生民臣工所稱不同來麩又爲釐麩古者來釐丕三字相  
通故方言麩陳楚江淮之間謂之麩北燕朝鮮之間謂之  
麩音丕關西謂之麩彼雖說獸亦以一名通三音然則此禾  
亦然來猶麩也秬猶麩也釐猶麩也要是一物鄭志自以  
所解鬯人不合釋草之文故答張逸併以秬稭皆解爲皮  
且云爾雅重言以曉人然則不惟二物相混而秬但得爲  
秬之皮轉失實矣

麩一作釐音同

鄂州云說文稻稭也沛國稱稻曰稭郭解爾雅稭稻乃云  
今沛國稱稭不知說文亦豈謂此稭訛爲稭耶將與郭自

異義也

鄭云粟之糯曰梁

今糯米

黍之糯曰稭

今高粱

按梁亦可曰稭

黍亦可曰粟

菑芻茅鄭云商陸有二種赤者為芻茅鄭蓋承上文菑芻而言之按說文舜草也楚謂之芻秦謂之芻此又一說

臺鄭云即雲臺菜

一作芸臺

而兼采陸璣舊說按蔬譜臺菜即

油菜子可榨油東陽人謂之芸臺

草亭歷鄭以為即甘遂

苻鬼目按吳志生於工人黃耆家者即此當時以為瑞草結子可食見南方草木狀洪容齋以為草妖是也

薜廐草郭未詳鄭云藤生蔓細弱可為菜茹兼作牙藥



零陵人祖日貫之爲樹本不可解疏解之殊鑿至山海經  
灌且日貫之尤不可解想當時方言也

鄂州云離南活菴今俗謂之通草鄭云方書謂之木通女工取以飾

物不知起自何世

龍天龠當爲一草須葑菹當爲一草詩谷風采葑采菲毛  
傳曰葑須也箋曰蔓菁之類孫炎曰須一名葑菹御覽以  
須葑菹爲蕪菁從孫說農師以爲臺菜又以爲卽萊菹誤  
按蔓菁今諸葛菜與萊菹別若臺菜則又不同耳

按諸葛菜大葉青莖紫花所在皆有卽蔓菁也鄭云一名  
須一名菴一名葑菹見爾雅春食苗夏食心秋食莖冬食  
根菜之最益人者非如萊菹之僅能消食解麪毒也臺菜

非芸臺之臺今俗呼臺心菜葉如油菜不擢莖心如莖筍  
何得以爲一類

鄭云須菰葑也積舊莖頭而成葑筏者葑方孔反菘音總  
又云茭草之首可食一名茭白一名須爾雅須葑菘按鄭  
不從孫炎

芡鄭云牛芡也葉如芥

菹鄭作菹臭草

出隧蔬按似卽今茭白

蘼蕪樊光云蘼本一名蘼蕪根名蘼芷藥對以爲芎藭也  
鄭從之以爲江蘼茝蘼蕪一物三名關中者曰京芎蜀道  
者曰川芎

厚齋云江離史記索隱引吳錄云臨海海中生正青似亂髮廣志以爲赤葉紅花今芎藭苗曰江離綠葉白華又不同藥對以爲麋蕪一名江離芎藭藁本江離麋蕪並相似非是一物也淮南子曰亂人者若芎藭之與藁本顏師古曰郭璞云江離似水薺人無識之者然非麋蕪也藥對誤耳楚辭補注集注皆缺讀詩記董氏云古今注謂芎藭藥可離唐本草可離江離然則芎藭藥江離也孫炎云蔚華竊衣江淮之間食之其花著衣故名

髦顛棘御覽引孫炎注一名白棘

藿芄蘭注以藿芄爲句蘭爲句疏從詩以芄字屬下句鄭從之注云卽蘿摩菜也

莖音沈一作茺丁敢切莖藩知母也亦曰蜚母

鄭云蒲葍澤瀉也卽詩言采其蕒之蕒

鄭云莎卽香附子其根生塊似實爾雅誤以爲實也如莎草之類皆無實按莎最易生俗呼夜夜青晏元獻所謂是草耐水旱樂延蔓雖披心隕葉弗之絕也

茺亦作菟音同

本草云蒲叢生水際似茺而扁有脊而柔春初生水取其中心入地白莖大如匕柄者生啖之甘脆又醋浸如食筍大美周禮謂之蒲菹至夏抽根於叢葉中花抱梗端如武士捧杵俗謂之蒲槌

樊光注爾雅引詩有蒲與茄按此則茄與荷通

詩正義云芙蕖莖荷其華未發爲菡萏已發爲芙蕖其實

蓮

按今呼蓮蓬蓬蓮乃房字轉音

蓮青皮裹白子爲的的有青長三分如

鈎爲蕙語曰苦如蕙也按此說較明晰

麇鄭云大麻子扶刃切又有肥費二音鄂州云說文葩泉實或作贛則音雖異而意同後世說本草者或以蕒爲牡麻之華與詩雅所說大異

鄭云麻有牝牡牡者生花曰麻麇亦曰麻勃吐出茸茸然蘇恭謂爾雅云麇泉實以麻實卽麻子不知爾雅之誤須殮蕪農師以爲臺菜其說近是但不言其與蕪菁別種又不別蕪菁于萊菔仍沿舊失耳

農師云莧有紅白紫三種蕒卽今紅莧是也

牆靡癘冬郭注止指天門冬疏并引麥門冬按二種迥別  
天門冬引蔓甚長細葉如絲縷麥門冬如青草叢生開淡  
紅花結子碧色可翫

鄂州云天門冬一名顛棘卽釋草所謂髦顛棘也故郭注  
云細葉有刺蔓生按此竟以牆靡爲麥門冬顛棘爲天門  
冬與郭異說蓋本道家方

本草貫眾一名蕭苻則蕭苻止三字似連下蕭苻一名也  
止瀨一名也貫眾一名也郭以蕭苻止爲一物云未詳鄭  
以蕭苻止爲一物云亦蒲類

貫眾鄭云卽鳳尾草根

蒼牛藻按顏氏家訓曰今水中有此物節長數寸細茸絲

圓繞可愛長者二三十節猶呼爲著

易正義云馬鄭王肅皆云莧陸一名商陸以莧陸爲一董  
遇云莧大莧也陸商陸也以莧陸爲二

鄂州云遂蕩馬尾俗名章柳根

鄭云藻生乎水萍生乎水上萍水中浮萍也蘋水菜也葉  
似車前

按荇萍蘋藻同爲水草蔓生相類荇花黃藻花白蘋性浮  
而藻性沈蘋大葉而藻細葉蘋青色而藻紫色有文蘋又  
蘋之極細者亦有紫背此其別也

周禮注萍先鄭讀如蜚後鄭讀如小子言平之平按蜚音  
餅小子言平未詳

蘋鄭云舊說卽萍類而大者按萍屬不可食此必蓴類葉亦圓浮水上如萍也

農師云韓詩沈者曰蘋浮者曰藻蓋藻萍類也按此說浮沈獨異

鄂州云萍蘋萍其大者蘋葉正四方中拆如十字根生水底葉敷水上不若小浮萍之無根而漂浮也說文曰薺大萍也按周處風土記以萍蘋爲芹菜別名誤

鄭云爾雅冰臺菟葵按爾雅無此文疑誤曰天葵又曰蓆菟葵雷公

炮炙所用紫背天葵是矣葉如錢而厚嫩背微紫生于崖石凡丹石之類得此而後能神所以雷公一嘗汲汲于天葵恨世人不識之臣近得之于天台僧



御覽引孫炎說車前草一名牛薺與郭異

藟牛薺鄭云卽羊蹄菜與上文菲蔥菜詩言采其薺爲一物今人呼爲秃菜薺秃音訛耳又詩釋文箋云薺牛薺今釋草無文按藟或卽薺字之訛或所見本異

蕒陸璣以爲澤瀉郭不取鄭以爲續斷

連異翹鄭云亦名旱蓮草葉似當歸華似菡萏本草謂之連翹

大菊蘧麥鄭云瞿麥也叢生莖細弱今人多植庭院間其花與葉皆可愛故有南天竹之名按本草陶注云花紅紫子似麥似非南天竺未知鄭何据也若梁程督賦序所云鑄鼎鍊石之說則又怪誕不經矣

鄭云瞿麥一名石竹故爾雅云大菊蘧麥其葉細嫩花如  
錢可愛唐人多像此爲衣服之飾所謂石竹繡羅衣按通  
志略與爾雅注異說蓋撰通志略在後故又別爲一說也  
山莓鄭云樹生其子可食俗呼桑莓亡救亡佩二反

菊治牆按菊有二種一種花單瓣而小卽甘菊也白色亦  
有黃花者可食一種花千瓣而大五色不可食令人植諸  
園庭特供清玩耳大約淵明所愛者乃甘菊菊以黃色爲  
正故云菊有黃華也今俗呼黃者爲野菊不入藥僅供點  
茶白則二者皆用之亦呼茶菊

廣雅云女蘿松蘿也

鄭云詩曰蔦與女蘿施于松上淮南子注兔絲生茯苓上

今皆不然茯苓生山谷菟絲生人間清濁異趣何由同居  
按今女蘿菟絲別爲二種女蘿青細葉紅花菟絲卽合藥  
所用孔氏已據陸璣辨之矣

葑戎葵疏中所引郭氏當是郭舍人非景純也或引之以  
爲郭璞誤矣

藜鄭云卽薊也俗呼雞頂似芥而多刺

復盜庚鄭云旋復似菊藥家多用今俗呼六月菊者是也  
苧麻母鄭云苴麻也以爲布喪服所用俗謂黃麻按苧鄭  
音字苧卽苧亦音字說文麻母也今本作苧誤而亭林反  
以石經作苧者爲誤未詳其故

昶九葉犍爲文學云九枝共一莖

周禮注染草茅蒐橐盧豕首紫蒨之屬疏紫蒨卽爾雅藐  
茈草

農師云爾雅終葵露葵卽又葵之一種蔓生葉厚而圓按  
葵卽今向日葵露葵卽今秋葵然非蔓生葉亦不圓陸誤  
蒨戎葵卽今蜀葵小者名錦葵卽莢蚰蚰鄭概指莢爲蜀  
葵者誤

荼委葉鄭云茅鍼也白茅苗初出地者曰茅鍼

皇守田鄭云卽童梁也一穗未得數粒穀而易墮落明年  
復生故謂之守田

稈音絳亦作穉音蓬

蛇牀鄭云甚香藥家多用之

閻氏若璩云蘇菝郭注雖云未聞其實爾雅以菝釋蘇卽  
上文之菝蘘璞謂今蘘蘘或曰雞腸草是也

中馗健爲文學作中鳩注云菝葵名顛東顛東名中馗按  
此則以菝葵顛東中馗茵四名爲一物郭不從

董子云葶藶枯于盛夏款冬華于嚴冬晉傅咸有賦鄭云  
花在冰下故爾雅以顛冬爲顛凍注又以款冬爲款凍按  
款冬自有一種藥家用之花似枇杷今俗卽以枇杷花當  
之誤矣

茗鄭云今之凌霄花皆黃花少見白花者

鄭云薇生水旁葉如萍爾雅薇垂水夷齊所食然詩云采  
薇者金櫻牙也按薇有草本有木本草本者首陽所采及

詩所詠采薇也木本者垂水之薇唐中書省所植也有紫翠白三色鄭以爲一非是

薛山麻鄭云野苳也苳而自生于山谷者

鄭云唐人有桃枝竹詩宜爲杖仲無筯今之篔簹竹也篠

箭今箭竹小而希節者按與郭二名之說異然竹之良者惟有篔簹竹

謝靈運所游之澗按元作斤竹今在雁蕩其自死筍則謂之仙

人杖

莽草與竹類之莽不同鄭以爲似竹而中實促節者混于

宿莽似誤

簡一作慙

筯坊本誤作筯

周禮醢人蒟菹釋文云音迫爾雅作筥音同按鄭司農以爲水中魚衣與郭不同

篠箭詩釋文引此箭上多竹字

芰鄭云卽鹹草也可爲履生鹵地

鄂州云廣雅蕨紫其厥其二字古皆以爲助語互用物則加草爲志爾按其卽藜容齋隨筆葛其粉禦荒卽此

菘馬藍鄭云卽馬藍與疏今爲澱者不同田野人以爲菜茹按今俗呼馬藍頭者卽此叢生青葉秋作花淺藍色可食嘉興志作馬蘭頭誤

鄂州云菘馬藍凡物大于其類者多以馬名之今人言亦然蓋諸藍之類菘藍惟堪染青蓼藍不可爲澱故以馬藍

爲作澱之藍

桃莖涂薺郭未詳鄭云薪糞也擢莖高于薺而相似

鄂州云芡者今之地黃古以爲菜鉶羹用之禮記曰鉶毛牛藿羊芡豕薇葢物各有所宜古者祭祀賓客有太羹鉶羹鉶者謂陪鼎臠臠臠用藿芡薇調以五味盛于鉶器葢鉶羹以所盛器爲名牛羊山陸之物藿芡山陸之菜豕近水薇垂水魚及蘋藻生水中以類求之按特牲饋食禮鄭注今文苦爲芡芡乃地黃非也鄭旣據爾雅以破其說而鄂州復附會成之殊陋

拔龍葛鄭云其葉似凌霄花多蔓延籬落

卷耳鄭云卷音捲舊說蒼耳非也此卽卷菜葉如連錢細



蔓被地若蒼耳但堪入藥不可食

鄂州云卷耳一名施離騷以譬小人一名羊負來博物志曰洛中有人入蜀胡晁著羊毛蜀人種之曰羊負來也卷耳野中所多日夕羊下多負以歸耳

稂童梁鄭云守田也俗呼鬼稻云米之所產一穗之間得一二穀而已

鄂州云郭云稂莠類蓋未能的知其物故稱其類耳許慎陸璣以爲禾之不成者則是亦禾而已何致與莠並稱乎按韋曜問答云莠今之狗尾則稂尙得一二穀乃稗草也莠則并此無之

鄭云蓬纍有蔓生者有樹生者樹生者謂之覆盆子爾雅

云莖缺益其鋪地蔓生者曰地莓爾雅云蕭庶者地莓也  
蕭萩鄭云卽青蒿也或云牛尾蒿今藥家名青箱子

萩坊本誤作萩

蕭大苦鄭云舊謂甘草近沈存中辨謂爲黃藥甚明按夢  
溪筆談云本草注引爾雅云蕭大苦注甘草也蔓延生葉  
似荷莖青赤此乃黃藥也其味極苦謂之大苦非甘草也  
甘草枝葉悉如槐高五六尺但葉端微尖而糙澀似有白  
毛實作角生如相思角作一本生熟則角折子如小匾豆  
極堅嚙不破

馬舄之草非西戎之木疏論極好

農師云韓詩傳直曰車前瞿曰芣苢蓋生於車兩旁謂之

瞿

鄭云綸音關鹿角菜也赤而攣屬似綸帶組海苔也似組綬或云綸卽昆布

鄭云爾雅薄石衣郭氏云石髮也又云藹海藻郭氏云如亂髮其說無別致誤後人引據且薄與藹藻與藻皆無異義何得爲二物海藻形如髮衣石髮形如亂髮自是二物凡此之類易得渾殺又有海帶似帶昆布似布爾雅云綸似綸組似組東海有之綸卽鹿角菜組卽海中苔

鄂州云按陶隱居稱海藻生海島山黑色如亂髮而大小許葉大都是藻葉陳藏器則有馬尾藻大葉藻二種之辨馬尾藻生淺水如短馬尾細黑色大葉藻生深海中及新

羅葉如小藻而大爾雅云綸似綸組似組正謂此也夫綸組東海有之蓋綸乃有秩嗇夫所帶糾青絲綸揚子所謂五兩之綸半通之銅者也組綬也海中生菜理有象之者因以名云然則馬尾藻爲綸大葉藻爲組矣本草稱海藻一名薄而釋草薄石衣薄海藻相異則云一名薄者非也按薄今石花菜紫雲菜卽紫蕨麒麟菜卽鹿角菜之類藻今海苔紫菜之類綸組卽藻之大者今名海帶其實一種不必強分爲二

布帛鄭云卽藤蔓之屬有似布帛故名

荒束蠶郭未詳鄭云薜荔也按薜荔今俗呼鬼饅頭

廣韻茶音蛇苓音吁

鄭云葉茅秀也芳茗也卽菅花可爲茗帚

詩正義云釋草莢蘧樊光曰莢初生蔥息理反駢色海濱

曰蘧又葭華舍人引彼茁者葭然則此二草初生爲莢長

大爲蘧成則名爲萑初生爲葭長大爲蘧成則名爲葦小

大之異名故云蘧爲萑葭爲葦此對文耳散則通矣兼葭

白露爲霜之時猶名葭行葦敦彼行葦夏時已名葦也

詩正義云孫炎郭璞以蘧蘧爲二草李巡舍人樊光以蘧

蘧爲一草毛傳莢爲蘧之初生則意同李巡之葦

農師云葦卽今之蘧一名葭葭一名華今呼蘧花今人以爲簾

箔因此爲名也至秋堅成謂之萑葦荻之初生曰莢說文作荻

兼其未秀者也萑葦之小者莢葦之小者按此分爲二種

有實中空中之別空中者蘆葦葭蒹也實中者莢也今竿箴之

類郭云江東呼鳥蘆拔蘆始生為蘆莢始生為葍

說文莖作甍讀若皇

鄭云曰蒨曰茅曰莖曰華皆草木發榮也

鄂州云宿莽稱宿者蓋以經歲為名猶其稱宿麥宿草也然遇冬不枯在草木尚多有之釋草曰卷施草拔心不死郭璞以為宿莽此則宿莽之堅貞異于庶草與王逸離騷章句木蘭去皮不死宿莽遇冬不枯之說合此所以采木蘭下采宿莽以明在此者非一日之好修而在彼者愈取而無窮也

菱一作蔽

鄭云謂華為芩謂草木初生為笋謂蘆笋為藿謂藕緒為  
菱皆江南人語知作爾雅者江南人

御覽引爾雅因塵馬先今本缺按廣雅有此文疑誤引因  
塵即茵陳蒿藥草也

周禮注梓櫝屬疏云按釋木栲山櫝注云櫝梓二木名未詳

何氏注此云梓梓櫝為一者釋木前言栲山櫝後云椅梓據

此二文故云屬非謂梓櫝為一而云屬也

鄭云山櫝似櫝而葉差狹櫝木葉似椿江東呼為虎目葉  
脫處有痕如櫝蒲子又如眼目

梅亦名栴非讓木也沈氏云孫炎稱荊州名栴揚州名梅  
重寶揚州人不聞名栴文選注引爾雅梅栴郭璞云栴木

似水楊按今本注無此文若云似水楊則香楠水楠之類  
二字別爲一義矣

鄭云或言櫟卽枳江北無橘所以爾雅只載枳柚江北有  
枳無橘江南枳橘多有

鄭云木瓜今多出宣州按所在多有不獨宣城也

農師云陶隱居曰如轉筋時但呼其名及書作木瓜字軌  
愈蓋梅望之而蠲渴林書之而緩筋理有所感不可得而  
詳也諺云梨百損一益楸百益一損投人之道宜有以益  
之而報之則欲其堅久故詩曰投我以木瓜報之以瓊琚  
也

栲栳舍人云江淮之間呼小栗爲栲栗鄭云茅栗也



榲落鄭云郭注可以為杯器據此則今檉杉

即柳杉

榲柜柳鄭云烏曰也葉可染皂子可作油燭與郭注不同

鄭又云櫟曰椽亦曰榲其實作椽曰阜斗曰椽斗然有二

種南土多榲北土多櫟爾雅釋木云櫟其實椽詩秦風山

有苞櫟即此也其釋木云榲杼與唐風集于苞榲並是柞

木而陸璣誤謂是此耳椽實之類甚多皆栗屬也可食有

似栗而圓者大小有三四種周禮籩人所謂榛實是也有

二三實作一椽正似栗而小者小大有三四種爾雅所謂

榲櫛是也今俗謂之茅栗猴栗柯栗皆其類也

榲杼鄭云今人以為梳以時驗而知也今則未聞以柞木

為梳者

周禮注韎杜子春讀爲苾莖著之苾釋文苾莫戒反又音  
味莖直基反劉直梨反李音姪著直居李張憲反  
苾莖著郭疑重出莖韃爲文學作祗著韃爲文學作都樊  
光作屠按此似別爲一物不可考矣

鄭云甘棠謂之棠梨其花謂之海棠花其子謂之海紅子  
竹垞云詩毛傳甘棠杜也鄭康成注北人謂之杜梨南人  
謂之棠梨爾雅杜赤棠郭璞曰今之杜梨也樊光云赤者  
爲杜白者爲棠陸璣云赤棠與白杜同但子有赤白美惡  
子白色爲白棠甘棠也少酢滑美赤棠子澀而酢無味通  
志甘棠謂之甘梨又有沙棠廣志云沙棠味如李無核竊  
疑今之蘋婆果卽詩所云甘棠而俗呼沙果卽沙棠呼檳

子者乃赤棠也其曰棠梨者以花似棠實似梨合而稱之

爾京師人呼檳子亦名胡廝賴乃以其似李似沙果而皆非故俗作如是呼爾廝音近色此云虎嘸賓未聞

按白棠乃甘棠即林檎南方名花紅之屬赤棠即北

方虎嘸賓亦曰賓子之屬沙棠無核即北方蘋婆果之屬竹垞

先生以沙果為即沙棠無核恐一時誤記也

狄玉篇作楸棹犍為文學作皋樊光作榕

繫樊光作楸

料當作料

檉榼鄭云俗呼朴樹其木如檀子大如梧桐子而黃

棖鄭云大抵即肉桂也按桂有二種有作花著子之桂有

不作花著子之桂木桂即今之肉桂亦有此二種

椐櫜鄭云此木似藤節目相對今人以爲杖甚奇

檉河柳今俗呼西河柳翠葉細紅花可愛鄭云大概杉松之類而意態似柳故名

旄澤柳鄭云生澤中如蘆荻可編爲捲箱楊蒲柳鄭云水楊也可爲箭箠葉圓闊樹與柳相似故名

楊蒲柳陸氏詩釋文云揚之水不流束蒲毛曰草也鄭曰蒲柳也孫毓評云蒲草之聲不與成許相協箋義爲長今則二蒲之音未詳其異按今北音呼蒲如浦似當音浦

按澤柳今通名楊柳其花飛絮蒲柳亦可爲柘捲卽白楊也一曰水楊實屬兩種楊高起而柳低垂甚爲可辨說文楊蒲柳也柳小楊也

諸慮山梟鄭云山藤也本草千年梟梟皆謂藤

慮亦作櫛

攝虎梟郭注今虎巨豆今刻本脫巨字

竹垞云爾雅杙魚毒郭璞注云杙大木子似栗生南方皮

厚汁赤中去聲藏卵果陸德明釋文云杙音元又作芫鄭樵

注云今南人謂之杙木其皮可煎汁藏梅三家之釋爾雅

若是蓋杙之用在子具詳沈瑩臨海異物志裴淵廣州記

賈思勰齊民要術廣韻注錢易南部新書左文質吳興統

記談鑰吳興志諸書又樂史寰宇記湖州土產單杙子子

嘗問之州人莫有識者洪邁容齋隨筆云杙如蒼耳益母

莖榦不純漬以藏鴨子則染其外陶宗儀輟耕錄云今人

以米湯和鹽草灰以團鴨卵謂曰鹹杭子按今無錫土俗  
猶然坊本爾雅乃譌杭爲杭于是凡詮杭者皆以杭字釋  
之考之顧野王玉篇于杭則注木名于杭則注州名二義  
固秩然不紊也至若卞彬下酒以杭皮爲肴則又專用皮  
矣

廣韻注爾雅楓有脂而香孫炎云楬楬生江上有寄生枝  
高三四尺生毛一名楓子天旱以泥泥之卽爾雅山海經云  
黃帝殺蚩尤棄其桎梏化爲楓木脂入地千年化爲虎魄  
按此所引爾雅山海經俱無其文

文選注引楓楬楬作聶

寓木宛童鄭云樹上寄生木也有二種一種葉圓名爲一

種似麻黃名女蘿

無姑其實夷榆也與釋草莖萑菝葜別爲一種鄭因無姑之名同誤合爲一

周禮壺涿氏牡槀杜子春讀槀爲枯枯榆木名釋文音姑山榆也又易釋文大過九二枯楊生稊枯鄭音姑謂無姑山榆稊鄭作萑音夷謂山榆之實二說正與爾雅同

櫟其實林犍爲文學注云栗實名林也按此櫟竟作栗字鄭云亦謂之椽一名阜斗其實作林似栗毬而小

李時珍云櫟有二種結實者名械不結實者名栲按此尙沿元恪之說

農師云釋木云槎羅槎一名羅其文細密如羅故曰羅也

有赤白二種皆文木而赤羅爲上棟謂之綾杉謂之紗槎  
謂之羅羅亦有華者俗謂之羅錦猶言杉錦棟綾也羅錦  
明杉錦暗今北方有棟綾器其文如綾綺狀又下于杉錦  
矣爾雅云棟赤棟白者棟按坊本槎羅之羅或从草作蘿  
者誤

農師云休無實李言可休息而已無實可食也

座平聲亦作痊又作榼又作榷慮亦作櫛

注今之麥熟李坊本脫熟字

駁赤李鄭云粉李也赤而著粉按座駁卽今青消紫粉兩  
種

櫛白棗咸淳臨安志云鹽官出美棗皮細而核小後棗林



陷于海無復有此種浙中遂推義烏出者爲最談氏遷云  
鹽官棗訛爲羊冠棗卽此按吾邑今尙呼白棗

鄭云酸棗今藥家所用酸棗仁

鄂州云椶今之椶棗也結實似柿而極小其蒂四出枝葉  
皮核皆似柿秋晚而紅乾之則紫黑如蒲萄其大小亦然  
今人謂之丁香柿又謂之牛乳柿此卽羊棗按東陽志所  
謂牛奶柿雞心柿通名柿棗又一種名羊阿柿細小無皮  
核最美者是也

洗大棗大或作犬當因羊棗而誤

蹶洩苦棗之蹶一作躡

稔从木音稔坊本从手作稔則入聲矣誤

農師云櫬梧桐也今人以其皮青號曰青桐無子者曰白桐爾雅桐榮木是也才中琴瑟

櫬鄭云梧桐也以其可爲棺櫬故名

鄭又云桐之類多陶隱居曰有四種青桐葉皮青似梧而無子梧桐色白葉似青桐有子其子可食白桐與岡桐無異惟有花子耳花二月舒黃紫色禮桐始華者也是一名椅桐人家多植之岡桐無子今此云花便應是白桐也白桐岡桐俱堪作琴瑟據此說則白桐者梧桐也諸桐惟此最大可爲棺槨爾雅所謂櫬又云桐榮木者此也詩云椅桐梓漆爰伐琴瑟注疏家不能別椅是岡桐桐是梧桐梓似楸別是一物爾雅謂之椅楸誤矣又有一種蕝桐夏月繁

花其紅如火又有紫桐花如百合又有刺桐其花側敷幹有刺花色深紅又有一種實如罌子粟可作油陳藏器所謂罌子桐也

樸枹者鄭云卽柞木

健爲文學本櫬梧朴枹者謂櫬采薪采薪卽薪三句爲一節謂作彙注云櫬梧樸枹者櫬者其理也樸者相追附也彙者莖也如竹箭一讀曰枹也櫬名采薪又名卽薪此解甚不明晰故郭不從

劉劉杙鄭云卽石榴本草謂之安石榴劉與榴通用故也

與郭注所謂出交趾者不同

按劉見吳錄及南方草木狀

御覽引郭璞注守宮槐在朗陵縣南有一樹似槐晝聚合

相著夜則舒布初學記又引郭注江東有樹與此相反俗  
因名爲合昏旣晝夜異而其理等耳按二說不同今注俱  
闕

鄂州云郭璞以爲晝日聶合而夜炕布者名守宮槐按說  
文聶木葉搖白从木聶聲則聶乃開之義又炕乾也木葉  
近火而乾則當相合然則郭氏之說正反之耳今江東有  
槐晝開夜合謂之合昏槐蓋啟閉以時有守之義說者以  
爲此槐與雅說相反不知郭氏誤解之也

炕樊光作抗抗有布義按抗訓舉亦有布義

鄭云爾雅槐小葉曰榎大而散楸小而散榎然楸梓類也  
檟桐類也不可謂之槐按此槐字因上文而誤當爲衍文

或槐上少一如字

農師云楸美木也故曰山居千章之楸其人與千戶侯等  
董子曰木名三時草名一歲若椿从春楸从秋榎从夏所  
謂木名三時茅从子黃从寅茆从卯茜从酉荜从亥芋从  
丁茂从戊芑似已莘从辛葵从癸之類命以一歲干支故  
曰草名一歲也楸有行列莖榦華高可愛至秋垂條如線  
俗謂之楸線述異記曰山中有楸戶著名楸籍舊說椅卽  
是梓梓卽是楸蓋楸之疏理而白色者爲梓梓實桐皮曰  
椅其實兩木大類而小別也

鄭云梓與楸相似爾雅以爲一物誤矣陸璣以生子者爲  
梓齊民要術以有角爲梓無子爲楸皆不辨楸梓也梓與

楸自異生子不生角

鄂州云說文曰椅梓也梓楸也楸梓也積楸也積楸同然則

椅梓積楸一物而四名詩義疏曰楸之白理而生子者爲梓梓實桐皮爲椅齊民要術稱白色有角者爲梓或名角楸又名子楸黃色無子者爲柳楸世呼荆黃楸然則是數者又有子爲辨耳

楸赤棟白者棟鄭云俗呼斥木叢生可作藩籬大者任車

輶鄭云卽山柘也

梨今以北方者爲良南方亦有兩種沙梨味尤劣其稍佳者曰水梨

榆鄭云其皮可屑食療飢按莢亦可食內則枌榆卽此按  
榆有赤白二種赤者爲上俗呼榭榆以其似柏故也白矣  
之俗呼山榆

鄂州云移皮焚爲灰置酒中令味正經時不敗而枳椇木  
以爲屋屋中酒敗味薄物之相反如此

唐棣鄭云郁李也

唐蒙之唐加艸唐棣之唐加木皆俗字見廣韻

厚齋云檟苦茶注今呼早采者爲茶晚采者爲茗一名薺

詩正義蜀人作茗吳人作茗說文茗茶芽也東坡云周世紀苦茶茗飲

出近世閩潛北云三國志韋曜傳曜初見禮異或密賜茶  
薺以當酒茶事見史始此按茶字恐是後人減筆

亭林云茶苻之茶與茶苦之茶本是一字古時未分麻韻  
茶苻字亦只讀爲徒東漢以下乃音宅加反而加字音居  
何反猶在歌戈韻梁以下始有今音又妄減一畫爲茶字  
唐岱嶽觀題名兩見茶字皆从艸从余可見唐時字體尙  
未變爾雅檟苦茶廣韻九麻中有茶字又有茶字注曰俗  
是也

亭林云茶字自中唐始變作茶按困學記聞茶有三誰謂  
茶苦苦菜也有女如荼茅秀也以薺茶蓼陸草也今按爾  
雅茶漆字凡五見而各不同釋草曰茶苦菜注引詩誰謂  
荼苦其甘如薺疏云此味苦可食之菜孟夏苦菜秀是也  
又曰藁苻茶注云卽芳疏云按周禮掌茶及詩有女如荼



皆云茶茅秀也葉也萼也皆別名此二字皆从艸从余又曰漆虎杖注云可以染赤又曰漆委葉注引詩以秣漆蓼此二字皆从艸从涂釋木曰檣苦茶注云樹小如梔子冬生葉可煮作羹飲今呼早采者爲茶晚采者爲茗一名薺蜀人名之苦茶此一字亦从艸从余今以詩考之邛谷風之茶苦七月之采茶縣之董茶皆苦菜之茶也又借爲茶毒之茶桑柔湯誥是也夏小正周禮地官考工記儀禮詩鴟鴞出其東門國語皆茅秀之茶也惟虎杖之漆與檣之苦茶不見于詩禮而王褒僮約云武買茶張載登成都白菟樓詩陽芳茶冠六清孫楚詩云薑桂茶薺出巴蜀本草衍義晉溫嶠上表貢茶千斤茗三百斤是知秦人取蜀而

後始有茗飲之事唐書陸羽傳羽嗜茶著經三篇

茶字減一畫為茶

檉樸鄭云其樹易大花葉似栗疏某氏能濕之能音耐

洪氏邁曰木絕于申故神字从申

楷散玉篇合為一字本作散亦作楷音錯亦音昔似誤試

以前槐小葉為榎一條參考之可見蓋皮之散者名楷

鄂州云檜一名栝

祝州注未詳今考木髦柔英蓋言木老而有柔枝也髦非

得以老解髦詩譽髦髦士豈謂老人耶髮削髮曰祝公羊傳州吁亦稱祝吁

二字音相近然則木髦柔英名祝州者蓋取頭童髮垂盡

之象歟姜上均說

鄭云櫛子食茱萸今山茱萸與吳茱萸俱有藪名內則曰三牲  
 用藪是櫛子也爾雅云椒楛醜菜

乾隆丁未夏五月三日弓父閱原抄有此殊筆一行弓父盧文弨字也

爾雅補注卷三

爾雅補注卷四

海甯周 春苞兮

孫炎云螿是雄者善鳴善飛雌者腹大羽小不能飛翔食風與土腰以前甚澀腰以後甚利

鄂州云荀卿稱梧鼠五技而窮謂鼯鼠飛生者爾說文稱鼯爲五技之鼠則已別是鼠之一類而崔豹古今注又以螻蛄一名鼯鼠者當之三者不同未知孰是按崔豹之說本于本草經

蜚蠊蚘鄭云亦謂負礬卽草蟲也春秋書蜚以其能害稼也鄭不從疏

蟻銜入耳周禮釋文引劉云或作衍蚘衍音延今曲蟻也

鄭云螻蛄卽四五月間小蟬有文彩先諸蟬而鳴者螻蛄卽

螻蛄也亦能在草叢中鳴

此說大謬螻蛄焉能鳴當以舍人方語不同之說爲是

蜚

卽一種蟬似蜻蜓其鳴無韻但札札然茅蜩似蟬而小有

青紅二種只在茅管中亦是五月時鳴馬蜩蟬類中最大

者其聲響震巖谷寒蜩一名螻蛄

此以蜩寒蜩蜩蜩

按蜩

今俗呼老螻方言鳴蟬謂之螻是也蟬今俗呼蚰螬見吳

下田家志又一種蜩之小者而聲加厲今俗呼茅螻寒蟬

今俗呼蚰蛛狀類蟋蟀將立秋則鳴聲甚清越爾雅種類

甚多今南方可考者此四種而已農師云蜩亦蟬之一種

形大而黑昔人噉之禮有蜩范是也按蜩大蟬小種類雖

多要不出此大小二者夾深知蜩蟬實爲二物而其說尙

未確也

蝸蛄蝓鄭云蝸自是一種而此卽木中蠹蟲也亦名蛄音  
歇又音曷

蠶齧桑鄭云有長角斑黑色帶甲亦能飛俗呼山羊今俗呼羊  
甲兩鬚有節如鞭喜齧桑乃桑中蠹蟲化而爲此

夏小正云五月蜉蝣有殷注殷眾也

渠一作蜚略一作螻詩釋文或作螺螺沈云二字並不施  
蟲是也

蚊蠚蜉鄭云卽蜉蝣也容有小異

守瓜鄭云今瓜葉上黃甲小蟲能飛喜食瓜葉匏上亦有  
之按輿父之父亦作蚤

蚌疏讀如楚姓今俗呼如羊

不過孫炎作不蠅

譚氏貞默云螳螂陶隱居曰燕趙之間謂之蝕虺今人病

贅虺者捕食之爾雅疏刻本誤食虺藝文類聚誤食耽

禮記鄭注云螳螂螬蝻考工記注桑螬蝻母也答王瓚問曰爾雅

云莫貊螳螂同類物也今沛魯以南謂之螻蟻三河之域

謂之螳螂燕趙之際謂之食虺齊濟以東謂之馬敷然多

名其子則同名螬蝻

玉篇蒺藜亦作瘞蛭

鄭云螂蛆性能制蛇見大蛇則噉其腦蛇不敢動而畏虻

蛆遇虻蛆亦不敢動虻蛆以涎繞其足盡落按虻蛆疑蛭

蝻之誤俟考

蝻董仲舒曰蝗子劉歆曰蚘蝻有翅李郭從董按七錄劉歆注三卷今說之存者止此

蟋蟀蝻文選注蝻作蛩兩字通

廣韻蝻音加又音荊

詩釋文蝻音終爾雅作蝻音義同按爾雅作蝻蝻音終斯與此異

農師云一說蚘蝻卽負蝻也亦以類應草蟲鳴于上風負蝻鳴于下風而風化

鄭云阜蝻蝗也草蟲亦謂之蚘蝻蝻卽一種大蚘蝻股長而鳴甚響蝻似蝗而小多生園中按蝻蝻似卽今北



方之叫咕咕也聲似蟋蟀而加清越草蟲似卽今南方之絡緯也以股擊翅聲如紡絲而響蟋蟀絡緯中元有一種卽山堂肆考所謂織絹娘其形細長飛翅作聲者是也故蔡邕誤指爲蟋蟀蟻蟻亦有尖頭圓頭之別不能鳴今俗

呼蚱

讀如格 蟻

蟻蚱之蚱本作蟻

蚤音忝俗同蠶誤

鄂州云今石槿上復有一種聚短梗半寸以下周圍植之以自裹行則負繭相隨化蛹其中俗呼避債蟲按今俗呼鬢裏蛾者卽此

蠟貼蠟鄭云音黑髯斯黑毛蟲也亦謂之戴以其毛能黏

著人故謂之帖蜥

按蝟毛蠹今俗呼毛蟲不能螫人黑帖蜥今俗呼載毛能螫人毛蟲色黃黑載蟲有紅綠間者正孫叔然所云八角螫蟲也

鼠負陸璣云在臂根下甕器底土中生似白魚者是已按今俗呼跳蟲初生甚細多足色白久則稍大漸生兩股化而能躍今俗呼馳子蟲卽伊威也

蟠亦作蠶黍負亦作螻蛄伊威亦作蚱蜢

農師云蛹者蠶之所化蛾者蛹之所化荀子曰蛹以爲母蛾以爲父是也蛹一名媿蛾一名羅孫炎正義以爲媿卽是雄蛹卽是雌羅卽是雄蛾卽是雌此說疏不采按草木

之蟲皆能以蛹化蛾不必蠶也孫氏炎所云蛾是雌羅是雄恐亦未確

孫炎云天雞小蟲黑身赤頭一名莎雞郭注從之  
傳負版柳子厚作蝮蝮傳本此

強斨鄭云牛蠹也蠹類而大瞰牛馬血按卽今俗呼蠹蠹者是也

斨廣韻胡軍切

螭何之何當從廣韻作蚘音軻爲是

孫炎云小黑蟲赤頭三輔謂之縊女此蟲多民生多縊死與郭自縊之說不同

異苑云昔齊東郭姜旣亂崔杼之室慶封殺其二子姜亦

自經俗傳此婦骸骨化而為蟲故名緹女

鄭云大螳即馬蟻也此種乃今人家常有之蟻黃黑色種類中自分大小所謂知君臣之分者也

也小螳謂小黃蟻也今元有一種較常蟻略大一種倍于常蟻黃色極細者朽螳是一種大蟻赤色

斑駁者今大蟻有三種一種較常蟻略大一種倍于常蟻一種極大種類如一分大小其色黃亦黑相雜

馬蟻及小蟻居人家塔戶間及屋中大蟻三種多居庭中樹石及田野空曠之處凡蟻老則生翅

能飛化為異類矣按蟻老固能生翅然未嘗化為異類仍居穴中今元有一種大蟻黑色有翅能

飛又蟻穴必有一最大而生翅者即其君也鄂州以生翅者為白蟻即蟹非白蟻生木中乃蠹類

鄂州云天地之性細腰純雄大腰純雌純雄謂蜂純雌龜

鼈之屬也列子亦曰純雌其名大腰純雄其名穉蜂言無

雌雄而自化淮南子以蜂之類為貞蟲言其無欲也按細

腰無雌惟螟蛉為然若餘蜂則作房育子未必純雄耳

農師云爾雅蟻蟻蟻蟻蠋蓋蟻蟻一名蟻按句則注當云蟻一名蟻

蟻正義及本草俱誤蟻蟻一名蠋列子所謂烏足之根為蟻蟻蟻蟻

大者如足大指以背行乃駛于足三教珠英曰蒿成蟻蟻

蟻蟻鄭云糞土中大白蟲也

按疏云蟻蟻也蟻蟻也蟻蟻也蝮蠋也桑蠹也蠋也一蟲

而六名也此說誤凡物之蠹皆可名蠋亦名蝮蠋此一物

也桑蠹亦名蠋此又一物也至蟻蟻則又迥乎不同乃溼

穢中化生物多足而臭並不潔白疏特因蠋之名偶同而

誤合之此是三物何得云一物六名耶

按蟻蟻長崎今俗呼壁喜亦曰喜蛛壁間甚多作窠生子

形如錢白色光潤有一種極大者狀如蠋虎而大十餘倍

不多有蠅虎卽說文蠅蝗今俗呼壁虎小僅如豆兩目炯然能捕蠅啖之別爲一種其吐絲作窠相同但不能如錢耳要之凡此皆蜘蛛之類蜘蛛乃空中系網者有系草間者有系室中器物下者有系壁間者長崎蠅虎皆在壁間者也

蠅一作肅崎一作蚊

鄭云水蛭一日蝶一日至掌是以蛭蝶至掌爲一物三名郭未詳

農師云舊說蠅于蠶身乳子旣繭而成蛆俗呼蠻子入土爲蠅

蚘蠖考工記作斥蠖注云屈蟲文選注蚘作蚘

農師云漢志曰尺者隻也蠖之義蓋取諸尺蚓之義蓋取諸引引者伸也隻于尺伸于引今人布指求尺一縮一伸如蠖之步謂之尺蠖豈放是乎按今俗呼尺寸蟲繫辭所謂屈以求伸晏子春秋所謂食蒼則蒼食黃則黃者也鄂州云蠖亦作繭而小段成式稱尺蠖之繭爲蝶今蝶蓋青蟲所化非行步屈伸者蠖或爲蛾未可知也犍爲文學舍人云螟蛉桑土小蟲也似步屈按禮記注蒲盧蜾蠃土蜂也螟蛉桑蟲也螟蛉取桑蟲之子去而變化之以成爲己子故曰易生之物

墨客揮犀云蜾蠃之類有三銜泥巢于室壁者曰蜾蠃穴地爲巢者曰蠨蛸巢于書卷筆管中者爲蒲盧名旣不同

質狀大小亦異

李巡云蝎木蟲也

禮記正義云夏小正八月丹鳥羞白鳥丹鳥謂丹良也白鳥謂閩蚋也丹鳥以白鳥爲珍羞故云閩蚋謂之鳥者重其所養丹良是蟲乃謂之鳥是重其所養之物不盡食之雖蟲而謂鳥也但不知丹良竟是何物皇氏以丹良是螢火今按爾雅釋蟲郭氏等諸釋皆不云螢火是丹良未聞皇氏何所依據

密肌繼英鄭氏釋鳥有此誤重出耳

鄂州云蜀葵中蠶也从蟲上目象蜀頭形中象其身其體肥大亦食于藿廣志曰藿蜀有五色者蠶致養于人萬百



爲簇蜀則獨行故以比敦然獨宿者

按蝮烏蠋卽橘蠹之類生于他草者爲烏蠋其色純青或

斑駁大約色隨所食之葉生于橘者爲橘蠹

見甫里集觸之出

兩角俗因呼爲橘牛老而作繭化五采蝴蝶

今俗呼醯爲醋亦呼醯雞爲醋蠓俗語固有本也鄭云似

蝸而小斜陽則羣聚鬪飛

文選注引孫炎云蟻蠓蟲小于蚊

鄂州云蠓桑繭野蠶不養于人就桑食葉作繭者比家蠶  
小而行疾古者稱野蠶成繭以爲瑞今桑繭所包裹甚薄  
不堪用古人以野繭之絲爲琴弣自當各有所在也今人  
亦呼此爲桑蠶郭氏云卽今蠶非也

鄭云醜僻也猶人性之有僻然翥卽蛙字借用耳此卽蛙  
蟲之有角甲者蓋齧桑類也罅張拆也此蟲之僻在于張  
角拆甲草蟲之僻在于振股作聲強斫之屬在于以腳自  
摩拈蠶之僻在于卷蠶向腹蠅之僻在于搖翅自扇以此  
使學者當究知物之情態也

按以醜爲僻不若舊注以醜爲類况同一醜字何所見而  
兩訓乎惟翥醜罅舊注以爲蟬屬皆拆剖母背以爲空罅  
而生鄭說較長蓋蟬屬蛻殼必自背不必定生子自背拆  
剖也

罅亦作墟

農師云青蠅首赤如火背若負金蒼蠅又其大者肌色正

蒼俗謂之麻蠅按青蠅今俗呼糞蒼蠅蒼蠅今俗呼茅之

音轉蒼蠅二種飛聲甚響多居穢地又有一種似麻蠅而小

色青黑者麻蠅色青白今俗呼飯蒼蠅羣集几筵間最為可憎

蜂有兩種有蜜者曰蜜蜂螫人者曰黃蜂亦曰壺蜂皆垂

其腴

鄭云螟極纖細在苗之心若木中有蠹然今農家忌小暑

日降一種罪微者云卽此蟲降也蟻似螟蛉食苗葉而卷

為房賊卽草蟲類雖亦食葉好食節蟲未詳陸璣謂螻蛄

據螻蛄雖穴土以居然亦取葉于穴中而食之元不食根

惟陸田有之

詩釋文騰一作武說文作蟻蝨一作蚌

按健爲文學云此四種蟲皆螟也此說極是祇是蝗之一種但就其食之所在而別名耳然觀李巡孫炎及許慎之說亦足爲世之貪吏戒大田一詩可以興廉矣

詩釋文毛及前儒皆以鮪釋鯉鯉爲鮪鱸爲鯉唯郭注爾雅是六魚之名今日驗毛解與世不協或恐古今名異逐世移耳

鯉鄭云今只謂之鯉農師云鯉大小皆三十六鱗魚之貴者故以冠篇

鱸鄭云黃鱸魚也大者能化爲龍水經注引爾雅鱸鮪也蓋本郭注

鄂州云鱸似蛇無鱗黃質黑文亦名蛇蟬後漢楊震傳冠雀銜三鱸魚飛集講堂前都講云蛇蟬者卿大夫之服象

皆謂此鱣耳然古者鱣字多假用鱣字故後漢志直以鱣  
鮪之鱣解之後之說者據郭氏注爾雅則鱣長二丈又魏  
武四時食制鱣魚大如五斗匱長一丈餘冠雀卽鶴尙不  
能勝其一況三頭乎且又純灰色無文章此鱣魚長不過  
三尺大不過三指又黃地黑文故云卿大夫之服象耳然  
近代詩人猶有作鱣鮪字用之者要非其義也按鱣魚之  
鱣仍當作善音卽三鱣是也鱣鮪之鱣乃音專今三鱣字  
編韻者混入一先誤也

鰓鄭云今白魚也偃鼻向額故名

鮎鄭云音黏今只謂之鮎

鱧鄭云今只謂之鱧多在泥水中服食家忌食

農師云諸魚中惟此魚膽甘可食其首戴星夜則北嚮蓋北方之魚也

鄂州云郭氏解釋魚稱鱧爲鯛然今鯛又別一種鱧比他

魚爲最鮐

說文鱧也  
鯉鱧也

鮐鄭云今鱧魚也其性健急鯉鱧鯉鮐鮐鮐六者之名顯而易識故但載之而已不復重釋也舍人以鯉爲鱧孫炎以鯉爲鮐誤矣

鄂州云鱧鱧魚也大頭而細鱗魚之不美者故語曰買魚得鱧不如噉茹蓋魚雖一類而所食不同今鮐惟食草鱧食螺蚌鱧乃食鮐矢宜其味之不美爾今人亦不珍此族往往以爲鮐魚按鮐今俗呼包頭魚頭較鱧尤大鱧今

俗呼鮓魚鮓今俗呼草魚鮓今俗呼青魚

鮓黑鮓鄭云樵疑即鮓魚背黑故亦名黑鮓

農師云鮓今江淮之間謂之鮓按與參同音魚

鄂州云鮓白鮓也其形纖長而白故曰白鮓又江東呼為

鮓釋魚鮓黑絲是也詩潛有多魚有鱸有鮓鮓鮓鮓鯉潛

者樛也積柴水中令魚依之止息因而取之爾雅云魚之

所息謂之樛今人謂鮓為參魚參音近于樛素感切或以其

伏樛中得名耶

鮓鮓孫炎云鮓尋也尋習其泥厭其清水鄭云今泥鮓似

鮓而小按山海經鮓魚別為一種

鮓大鮓小者鮓郭云今青州呼小鮓為鮓按鮓當即鮓鮓

魚本鱧身上涎沫所成故與鯛爲一類疏以爲卽上鱧者疑誤

鄭云鰕今俗呼何蓋鱧之訛耳按呼何乃閩音我鄉俗呼呵或呼龕亦皆鱧音之轉也

南都賦駸瑕委蛇李善引郭璞爾雅注云瑕與蝦古字通鱧是鱧鄭云樵疑卽鱧也按鱧魚身有黑文能發痘疹毒鱧鱧卽鹽藏魚腸鄭誤

鱧當鮠鄭云海中黃魚也按卽石首魚

此蓋今之鱧魚  
詳鱧鱧鱧鱧

鄂州云周禮狸物後鄭曰謂鱧刀含漿之屬釋魚稱鯨鱧刀蚌含漿蓋鄭以鯨爲鱧刀蚌爲含漿與郭氏注意同孫氏則以爲刀魚與鱧別也凡物之情有不可解者說文鯨



飲而不食淮南子曰鱣鮪水入口若露而死鱣小魚也飲而不食固以爲異鱣鮪之大生與水俱乃食而不飲尤可怪也

鄂州云鱣歸似鯽而小黑色而揚赤今人謂之鱣皮鯽又謂之婢妾魚蓋其行以三爲率一頭在前兩頭從之若媵妾之狀故名

鄭云魴音墳據此所言卽鰕也然說文字林皆謂魴魚名出穢邪頭國郭氏引以爲證樵謂魴魚自有之而此所謂魴者乃鰕也不得引此證彼

魴鱣鄭云傅麗水底難網捕

按爾雅魴魴卽鰕魚也今河中有一種小魚酷似鰕魚具

體而小俗呼鱗鱗與魴魴同音蓋因形似而假其名也卽鄂州所謂鱗皮鱗

鰻鱓郭未詳鄭云卽鰻魚也亦呼鰻鰻

鄂州云蝟蠖井中小蝟蠖赤蟲一名子子此郭氏說也今水中小赤蟲無足其細如縷長二三分細沙中有穴如針孔俗呼沙蟲莊子所謂軒卽此物若子子則化蚊者其大小長短略與此相類而物色不同俗又名釘倒蟲卽許氏倒跂之義經曰稍久則蛻而爲蚊足有文彩白黑相間慘于常蚊按井中蟲蝟見考工記註卽此

鄂州云蟻讀如祈今人呼水蛭大者長尺爲馬蛭亦呼馬  
蟻卽古語蟻也

農師云蝌蚪月大盡前兩足生小盡後兩足生

鄭云凡蝦蟆之類皆不交合惟雌雄相對吐沫漸成魚子  
遂變爲蝌蚪

鄂州云科斗蝦蟆子也蝦蟆曳腸於水際草上纏繖如索  
日見黑點漸深至春時鳴以聒之則科斗皆出謂之聒子  
古所謂鶴影抱蝦蟆聲抱者也頭圓色黑始出有尾而無  
足稍大足生而尾脫今俗謂之蝦蟆臺亦謂之蝦蟆黏按  
我邑俗呼蝦蟆魂江寧人呼爲蝦蟆孤都蓋卽科斗之訛  
活東一作活師蓋篆文師字與東字相似故傳寫誤也見  
山海經

活東捷爲文學作頤東廣韻俗从虫作蛞蝓

頤原作顙殊  
筆校改作頤

云穎字無攷當是頤字音  
與活近黠蘇禪翻黠音

鄭云魁蛤也見本草詳矣而郭氏謂爲蚶按蚶卽瓦隴也  
亦名蠃蚶與此自殊按蛤有白蛤蛤蚶兩種蚶螿蠃蠃皆  
其類也不得僅以瓦隴當之

蟾蛄似蝦蟆而大卽韓詩所謂黽鼃今藥中所用蟾酥是  
也李巡以蟾蛄爲蝦蟆者誤鼃一名蛙康成以爲螻蛄卽  
蝦蟆青花者俗呼田雞卽釋蟲螿蟆也明是兩種注疏誤  
螿蟻鄭云今池澤中生蚌蛤有此圓長二種按螿蟻似卽  
今江珧也

含漿周禮注作合漿釋文音含

蚌含漿鄭云此今謂之珠母老能產珠其甲曰方諸照月

生水故曰含漿

鄂州云蜃卽蛤也後鄭乃引蚌含漿以爲說而郭氏解爾雅復以蚌含漿爲蜃小者蛸蛸卽小蚌則轉與蛤不相類惟陳藏器稱車螯是大蛤一名蜃與古說合而今之說者別以爲蛟龍之類有耳有角背鬣皆紅則與古異學者所不道

鼈三尺能龜三尺賁鄭云今所在山谷池澤或有此

農師云蚶羸蟻蚶璞云卽蝸牛也孫炎以爲負螺而行因以名之蓋蝸背負殼狀如小螺驚則縮入殼中如螺閉戶其肉中醢內則云蝸醢是也頭有二小角故一名蝸牛莊子所謂戰于蝸角舊說蝸涎規蝸每爲蝸牛所食先以涎

畫地規之蝸不復去今蝸牛食蜈蚣亦然崔豹古今注曰蝸牛陵螺

也形如蠖蚶殼如小螺熱則自懸于葉下野人爲圓舍如

蝸牛之殼故曰蝸舍亦曰蝸牛之舍然則蠖蚶與蝸牛異

矣先儒以爲蠖蚶無殼蝸似蠖蚶而有殼今亦有一種生

于卑濕大于蝸牛無殼而有角蓋蠖蚶之類也南方積雨

蝸涎畫屋壁悉成銀迹按蠖音移蚶音俞俗呼蜒乃蠖字轉音蚶儀禮

音由長大如指涎壁悉成銀迹能食蜈蚣蝸牛乃其小而帶

殼者明是兩種又吐鐵亦作吐亦是蝸牛之類可食產于海

中

鄂州云鄭氏周禮注以羸爲蠖蚶然郭氏解爾雅蚶羸蠖

蚶乃以蠖蚶爲蝸牛儀禮注今文羸爲蝸郭從今文則非所當供鄭自以

爲常羸耳

三國志注云松之案魏略焦先及楊沛並作瓜牛廬止其中以爲瓜當作蝸蝸牛螺蟲之有角者也俗或呼爲黃犢先等作圓舍形如蝸牛殼故名

羸小者蝸鄭云今所謂鸚鵡杯者是出海南按螺種類不一有極大者多產于海有極小者多產于河海中亦有極

小者海螵是也

海螵以酒醬浸之灑以椒花味頗佳乃立夏應候之物

晉書蔡謨傳謨初渡江見彭蠡大喜曰螵有八足加以二螯令烹之既食吐下委頓方知非螵後詣謝尙而說之尙曰卿讀爾雅不熟幾爲勸學死按八跪二螯乃大戴禮勸學篇文至爾雅惟有蝟蟬小者蝟一句郭注以爲蝟蟬似

解而小亦非不可食者此外並不言及彭蜺蠶蝟與彭蜺  
乃是二物晉人不務實學只是空談但見爾雅專釋蟲魚  
便爲此語後來相沿不察笑其讀爾雅未熟豈不反被禁  
充兒笑耶

劉孝標世說註引  
爾雅終覺牽合

蝟蝟小者蝟鄭云據上下文合是螺屬

禮記釋文云爾雅作謝周禮作釋禮記注作射

鄭云俯頭低則其甲前覆而向下仰頭昂則其甲前偃而  
向上前鼻謂其甲前橢長也後鼻謂其甲後橢長也倪睨  
也五計反左睨者左顧之龜其甲亦偏向左右睨者右顧  
之龜其甲亦偏向右諸辭也不發聲也

鄭云龜溺醫家謂之石腦油最難得惟以鏡照之龜見影



則失溺急以荷葉承之又法以紙炷火上煊熟以點其尾亦致失溺

鄭云凡貝皆帶黃白色而有紫黑點元貝者多黑文餘賤者黃色而微白餘泉者白色而微黃然皆有紫黑點舊說謂黃質而白文白質而黃文誤矣貝無此也

魴一作魴

司馬氏貞曰楸狹長而去其四角解更明晰

鄭云小而青者曰蜥蜴大而黃者曰蝮蛇最小在牆砌間曰守宮種類既異而此釋爲一物恐亦未審也守宮又名蠍虎按今北方語猶然

鯢鄭云今洞庭多有之

魚枕謂之丁魚腸謂之乙魚尾謂之丙鄭云以本有此名  
作文字者象其形而爲之此則爲實文也如十日之字乃  
因音借此耳許氏妄以爲乙丙丁之字而取十日之義焉  
禮記內則魚去乙者謂魚目旁骨似乙文故亦爲乙然則  
乙似魚腸亦似目旁骨故兩得焉

攝龜鄭氏或言此龜乃蛇所化故頭尾似蛇俗呼爲鳶龜  
孫炎云鵠鳩一名祝鳩鵠鳩一名鳴鳩

左傳注云祝鳩鵠鳩也鵠鳩孝故爲司徒主教民

農師云雛今鵠鳩也一名荆鳩一名楚鳩一名鷓鳩一名  
乳鳩一名鵠鳩一名鵠鳩一名鷓鳩雛性孝慈慤謹而詩  
以爲使臣賢者之况孝所以致私恩謹所以致公義

鄭云其指之之辭鳥之短尾者皆謂之佳惟夫不專名焉故指佳爲夫不也

鄂州云古今言隼乃未有的指其物者禽經曰禽之小而鷲者皆曰隼大而鷲者皆曰鳩說文解離曰祝鳩也思允切又曰鳥從十作隼則離乃與隼通凡詩之翩翩者離皆隼也

按左傳正義引舍人云鷲鳩一名鷲鳩今之斑鳩也與御覽所引隼爲舍人云鷲鳩楚鳩今梁謂之斑鳩不同未詳其故

農師云鷲鳩卽莊子鷲鳩陸璣所云一名斑鳩天將雨逐婦者是也

鷓鴣鷓鴣鄭云今謂之鷓鴣廣雅謂斑鳩誤矣斑鳩卽鷓鴣也按鷓鴣今俗呼八哥因避南唐後主諱耳

農師云尸鳩性壹而慈祝鳩性壹而孝故一名尸一名祝禮云嘏以慈告祝以孝告鳩性不噎食之且復助氣故中春獻之年老者杖頭刻鳩亦取祝噎之義

鷓鴣毛傳作粘鞠鷓說文作鷓

樊光曰春秋曰鳴鳩氏司空心平均故爲司空

本草釋名云布穀名多各因其聲之似而呼之如俗語阿公阿婆割麥插禾脫却布袴之類皆因其鳴可以爲農候故耳或云鳴鳩卽月令鳴鳩也鳴乃鳴字之誤禽經及方言皆謂鳴鳩卽戴勝李巡云戴勝一名鳴鳩孫炎云鳴鳩自關而東謂之戴鷺郭璞云

非也

鷓音及玉篇廣韻無鷓字惟有鷓字音及

鷓鳩鄭云似鷓鴣無冠而長尾多在山寺廚檻間今謂之  
烏鷓

鄂州云隼爾雅謂之鷓鷓鷓鳥也

鷓鳩鄭云鳧類多在水邊尾有一點白故楊雄云白鷓舊  
說鷓類誤矣

鷓鄭云雀類似鷓而小尾長能鳴人多養之俗呼告天所  
在寒月有之

酉陽雜俎云裴瑜注爾雅曰鷓麋鷓是九頭鳥也今謂之  
鬼車按宋志裴注五卷今佚

舒雁鷺注今江東呼鳴鴨卽駕字按駕鷺天鷺也然人家常畜之鷺亦可通稱舒雁

左傳正義云謂之舒者舒遲也家養馴不畏人故飛行遲以遲別野名耳其爲鴨一也

鴨音額一音汧

鄂州云鵠鷓猶洿澤也洿抒水也又犀斗亦抒水器也按三字並音荒故切其義一也

本草釋名云云吳諺夏至前來謂之犁鵠言主水也夏至後來謂之犁塗言主旱俗呼淘鷺因形也

說文翰天雞也一名晨風與郭異

天雞鄭云今有吐錦雞雉類惟蜀中有之甚有文彩

厚齋云唐以後選學自成一家江南進士試天雞弄和風  
詩以爾雅天雞有二問之主司其精如此

鷺鄭云今喜鵲也

鄂州云今人養之以鬪在籠中能揚其采以誘雀雀至捕  
而食之又能效鷹鷂之聲其字从學未必不以此

鷓鄭云卽今之小鷓也蓋鷓類南方無鷹惟呼此爲鷹按  
玉篇鷓鷃也

齧齒艾郭未詳鄭云卽鷓也見下文

鷓鷃老鷓鷃鄭云舊注諸家皆斷老上屬曰鷓鷃老惟樊  
光斷鷓鷃爲句以老下屬據春秋九扈有桑扈老扈明矣  
鷓鷃鄭云鷓類能捕雀句喙目圓黃可畏如拳大小者尤

俊

鷓一作鷓

桑扈竊脂鄭云此鳥今謂之蠟觜性甚慧可教色微綠其嘴似蠟竊古淺字言淺有脂色此謂其觜之色也

按桃蟲鷓鷯巧婦鞞雀鷓鷯一物也與下文鷓鷯鷓鷯不同因鷓鷯亦有鷓鷯之名遂誤爲一

鷓亦作鷓

農師云物類相感志曰脊令俗呼雪姑其色蒼白似雪鳴則天當大雪極爲驗矣

鷓斯郭注鷓烏也鷓本作雅雖二字相似然當從佳文選注鷓鷯作匹鳥水經注犍爲舍人以爲壁屋



本草集解云古有雅經以占吉凶然北人喜鴉惡鵲南人喜鵲惡鴉惟師曠以白項者爲不祥近之

鵲母之母隄爲舍人作無月令鄭注作母無釋文云母音牟又如字正義云謂牟無也音轉字誤作母

密肌繫英郭云釋蟲已有此名疑誤重鄭云英雞也啄啖石英故謂名焉

密亦謂鷓英亦作鷓

鄂州云爾雅爲雋說文爲子雋太史公書爲秭鳩高唐賦爲秭歸禽經爲子規徐廣爲子雉字異而名同也按雋周一名杜鵑一名鷓鳩一名鷓鷃一名鷓鳩鳩音桂服虔注漢書以鷓鳩爲伯勞誤也一音桂一音決伯勞亦名鷓鳩

燕燕 鮪鄭云燕有二種前言白脰燕知此爲紫燕也按白脰者今俗呼燕鳥紫者今俗呼燕子

農師云燕一名鷦鷯見莊子

鷦鷯鷦鷯鄭云陸璣諸儒皆謂爲巧婦今按景純說此及方言皆謂是鷦鷯類據下言茅鷦怪鷦則此應是鷦屬無得云是巧婦

爰居 樊光云似鳳凰本草集解云或曰今禿鶩也

農師云桑扈蓋一名而二種若魯有兩曾參是也釋鳥桑扈竊脂鴉鷂剖葦此桑扈之一種也桑扈竊脂棘扈竊丹此桑扈之一種也蓋對剖葦言之則竊脂者所謂青質背曲食肉好竊脂膏者是也對竊丹言之則竊脂者所謂素

質其翅與領皆鶯然而有文章者是也左傳注桑扈爲鶯  
驅雀故先王命官取之所謂交交桑扈率場啄粟者正以  
其性之竊脂者言之也故以啄粟爲失其性交交桑扈有  
鶯其領者正以其色之竊脂者言之也故其序曰君臣上  
下動無禮文焉蓋君子素以爲質而文之者禮也爾雅竊  
俱訓淺竊藍言淺青竊丹言淺赤竊脂猶言淺白固其理  
也且爾雅主詩言之而小雅桑扈所取者有兩竊脂故爾  
雅亦兩解也

鄭云鴈之類多皆雀屬也竊言其色之淺喈喈音卽嘖嘖  
音責皆其聲然也或取其毛彩或取其鳴聲以命名屬雖  
雀屬皆以時見亦猶鷓鴣然農家須其鳴以候時故又名

以四時也

周禮注柞讀爲音聲喞喞之喞屋竿之竿側百反

鷩鄭云此鳥多在田中閩人呼爲姑雞又謂其鳴爲姑雞鷩以其聲類紡聲且聒聒不輟

孫炎云鷩鷩或謂鷩澤虞其別名也

鷩澤虞一作鷩鷩

爾雅翼引何故使我水鷩按左傳本作滋此本說文鷩黑也鷩一作盧鷩盧與鷩皆黑也

農師云鷩鷩吐而生子神農書所謂不卵生口吐其雛是也楊孚異物志曰鷩鷩能没于深水取魚食之不生卵而孕雛于池澤旣胎而又吐生生多者七八少者五六相連

而出若絲緒焉水鳥而巢于高木之上夔州圖經峽中人謂鷓鴣爲烏鬼蜀人臨水居皆養此鳥繩繫其頸使入水捕魚得則倒提出之杜詩家家養烏鬼是也按今漁人養之繫以繩放令入水食魚出水則扼頸令吐因取其魚俗呼爲摸魚公

本草正誤云寇宗奭常官于澧州公廨後有一大木上有三四十鷓鴣巢日夕視之既能交合又有碧色卵殼布地則吐雛之說誤也

按鷓鴣當卽今之鶉鴒鶉性淫故別雌雄言之鶉卽鷓鴣楊氏談苑據列子以爲蛙所化然終能卵生不復再變非如鴛爲田鼠所化仍變田鼠夏有冬無也

鷺鄭云此鳥類野鴨而有文彩不能行多溷野鴨羣中浮游

鷓一作鴝音拗

本草釋名云突厥雀卽爾雅鷓鴣寇雉也雀從北來當有賊下邊人候之故名

雀老鷓鄭云樵疑此卽訓狐因其首似狐兔故有此等名考工記搏字注讀如爾雅黃鳥搏黍之搏徒丸反按二字註中語也

列子云鷓化布穀布穀復化爲鷓

晨亦作鷓

楊鳥白鷺石經作鷺爲是注似鷹一作似雁

鄂州云鼯與伏翼皆鼠類而爾雅在釋鳥中以其有肉翼也又謂之梧鼠荀子曰鼯鼠五技而窮謂能飛不能上屋能緣不能窮木能游不能渡谷能穴不能掩身能走不能先人按鼯鼠卽山海經耳鼠其形翅連四足及尾與蝙蝠同故云以尾飛生又名鼯鼠與螻蛄同名而異類今粵中有之

鼯鼠夷由御覽引注亦謂之蝙蝠未知出于何氏按蝙蝠已見上此則別是一種與蝙蝠相類耳

疏引里語曰黃栗畱看我麥黃椹熟不坊本熟下脫不字

詩正義脫不字後遂因之誦筆眉此經此

禽經曰鴛志在木鵲志在水

鷺鷥鷓鴣唐詩驪山有此鳥一名阿濫堆明皇采其聲以爲  
曲見唐張祜詩

農師云鷺步于淺水好自低昂故曰春鉏詩白鳥鷺鷥卽  
此

左傳丹鳥氏司閉註丹鳥鷺雉也正義引樊光云丹雉也  
左傳正義云釋鳥四方之雉西方曰鷓東方曰鷓南方曰  
鷓北方曰鷓舍人曰釋四方之雉名也杜註惟南方曰翟  
不同釋鳥又云鷓山雉樊光曰其羽可持而舞爾雅之文  
翟與鷓別而賈逵亦曰南方曰翟雉則先儒相傳爲說杜  
從之也釋鳥又云伊洛而南素質五采皆備成章曰翬傳  
言五雉必取五方伊洛土之中區明其取翬雉與四方之



雉爲五也賈逵曰西方曰鷦雉攻木之工也東方曰鷦雉  
搏埴之工也南方曰翟雉攻金之工也北方曰鷦雉攻皮  
之工也伊洛而南曰翬雉設五色之工也樊光註爾雅四  
方之雉配工亦與賈同惟翬不配工耳按賈樊所言之工  
出于考工記耳而考工記更有刮摩之工凡有六工非惟  
五也且記是後世之書少皞時未必如記所說又以工配  
雉無所憑據不可采用故杜不言

鄭云鷦雉卽鷦雉也鷦雉卽鷦雉也據此文勢是如此郭  
氏離爲四物誤矣

鷦一作搖

鄭云郭注今在隴西首陽縣鳥鼠同穴山中按首陽今在

熙州涇源今陝西蘭州府涇源縣

鷓鴣之鷓一作鷓音檀

鷓鴣醜以下諸醜字鄭注無明文大約亦作僻字解

鄂州云今俗云鷓所踏枝可鞭兒令速語以其當萬物不鳴時而能鳴故以類求之

農師云鷓鴣醜其飛也璆說文璆斂足也謂斂足腹下為烏醜其飛也翔高飛曰翔布翼不動曰翔

亢鳥隴隴為文學注云隴隴財可見也樊光云隴隴亢鳥之頸也

鷓子鳩鳩或誤作鴿又鷓音團說文雕也與鷓迥別

朝野僉載云蔡中郎以反舌為蝦蟆淮南子以蛩為蟻蠓

詩義以蝨爲蝮蝮高誘以乾鵲爲蟋蟀文人之謬誤如此  
反舌卽伯勞也今俗呼黃伯勞

詩正義云注爾雅者某氏亦引詩瞻彼中原其麇孔有與  
鄭同又周禮注鄭司農云一歲爲豨二歲爲豨三歲爲特  
四歲爲肩五歲爲慎康成云爾雅麇牝曰麇賈氏云爾雅  
曰豨生一特二師三豨又曰麇牝曰麇無五歲爲慎先鄭  
無所依據故不從也若然豨還是鹿之極有力者也

農師云麇性迷惑故其迹躔而不解麇性散驚故其跡解  
而不躔鹿善決驟故其迹速而不瓜狐善驚疑故其跡瓜  
而不速豨性追突故其迹刻兔性跳躑故其迹遠也  
鄂州云麇之性怯又謂之獐章者章皇也古者畫繪事山

以章說者以爲讀如獐獐山物也畫山者併畫獐鄭氏謂以麀表山

農師云里語云狼卜食狼將遠逐食必先倒立以下所向故今獵師遇狼輒喜蓋狼之所向獸之所在也其靈智如此

鄂州云凡六畜之屬皆見于釋畜惟豕見于釋獸以豕者通曰豕之名故別異之或曰一歲爲豨二歲能相把孳爲豨三歲豕肩相及爲豨其說與爾雅不同然皆小豕之名也

詩釋文爾雅豕所寢曰緡方言作槽从木按今本元作槽

爾雅釋文舊本作緡帛字非是陸氏始改從木誠詳緡緡

詩鄭箋云豕四蹄皆白駭釋文爾雅說文皆作豨古哀切  
按豕生三縱二師一特當以歲爲名非生子之數也詩箋  
從爾雅三歲爲縱正義云釋獸釋鹿與麕皆云絕有力麕  
箋意蓋以豨爲鹿麕有力者也

魏今本作豨筆畫小異

左傳正義云釋獸豕牝豨牝者謂之豨則豨是豕之牡  
鄂州云虎純色謂之虬貓而西域傳註稱獅子似虎正黃  
而有頰形尾端大如斗又詩稱韓土之樂有貓有虎周書  
記武王之狩禽虎二十有二貓二則是虎之類也本草集  
解云唐世多畫貓作屏按白樂天有獬屏贊云寢其皮辟  
瘴圖其形辟邪

獬鄭云牙齒極堅今人多以牙託爲佛牙

鄂州云獬以舌舐鐵可頓進數十斤有誤吞針鐵在腹者服其溺則化取其糞爲刀可以切玉

狃一作豹

唐書云長慶中河東節度使李聽貢狃三頭狃猛捷之獸也穆宗好畋遊當詔諸道廣求此獸搜踐山谷郡縣告勞防虞籠檻甚于豺虎及至林苑往往噬人後穆宗亦令盡逐及敬宗卽位聽復獻之

酉陽雜俎云按晉書云宣城郡出驢鼠大如牛形似鼠庫脚類象而驢蹄毛灰赤色胸前尾上白色有力而鈍金樓子云晉陵縣境出大鼠狀如牛土人謂之偃牛時出山遊

毛落田間悉成小鼠苗稼盡耗梁書云倭國有山鼠如牛  
又有大蛇能吞之爾雅所謂鼪身似鼠而馬蹄長鬚而賊  
一歲千斤秦人謂之小驢者卽此物也

農師云熊山居冬蟄當心有白脂如玉味甚美俗呼熊白  
其膽春在首夏在腹秋在左足冬在右足好舉木而引氣  
莊子所謂熊經鳥伸是也冬蟄不食飢則自舐其掌故其  
美在掌而孟子曰熊掌亦我所欲也

熊虎醜鄭從郭訓類與前殊矛盾

狸今俗呼野貓之類狍卽狐狸之類獠今俗呼猪獾狗獾  
之類

麝父李巡作澤父

農師云陶隱居曰麇形似麋今俗謂之香獐

禮記有豺祭獸之文謂豺季秋取獸四面陳之以祀其先

世先王候之以行田獵

鄂州云今人稱豺狗

猥一作獠

麇鄭云今亦謂之麇旄毛獾長毛也

狡麇一作狡猊

按獠今山羊與麇羊不同

猶獾爲文學作鬻

周禮注今立秋有獾劉疏云漢時苑中有獾劉卽爾雅獾

似狸劉殺也按續漢志武官肄兵習戰陣之儀斬牲之禮



名曰貙劉蓋取貙之猛而能殺也

農師云或曰虎五指爲貙柳子曰貙畏虎虎畏熊貙虎屬也猥狼屬也古者田獵必有所祭故周祭獬漢祭貙漢書音義曰貙以立秋日祭獸故漢于是時祭焉

鄂州云貙似虎而五爪釋獸言似狸郭氏注子虛賦稱似狸而大其注爾雅云今山民呼虎大者爲貙然舊說云貙畏虎虎畏熊則貙不當大于虎

農師云異物志曰犀舌有棘常食百木棘刺不啖莖葉也詩釋文爾雅兕又作兕

鄂州云犀卽兕也古人多言兕今人多言犀爲不同耳農師云炙轂子曰刺端分兩歧者曰蝟如棘針者曰蝟鄭云

蝟有兩種一種作豬蹄者又名蠟豬一種作鼠腳鄂州云可治胃疾說文字作𧈧

鄂州云狒狒血可染緋蓋卽猩猩之類

狒狒亦作鬍鬍說文作𧈧𧈧御覽引此作𧈧𧈧音翡

農師云狐善疑狸善擬狸狐貓貉其性一而狸又伏獸好擬度故其迹皆瓜而不速

猯亦作猯

鄂州云攬父善願好盜婦女爲室家生子者皆以楊爲姓古稱善願願是雄願雌如願兔之類

亭林云按五經文字贊于犬反从二虎从貝俗以二虎顛倒與說文字林不同唐英公李勣碑高宗御書有贊字用

俗體倒一虎而又缺一筆以避諱今人不識之矣蘇文舉  
開業寺碑亦同此體梁昇卿御史臺精舍碑作贊一武一  
虎更奇

寓屬獫爲文學作麋屬周禮註作禺屬釋文音遇劉音隅  
鼯鼠鄭云食竹根今人謂之竹鼯

李巡云鼯鼯一名奚鼠

鼯鼠按卽鼠狼其毛可爲筆王右軍鼠鬚筆卽此其皮可爲帽及領

能啖鼠嘗竊人家所畜雞鴨食之

鼯鼠獫爲文學云其鳴如犬也

唐書盧若虛傳若虛多才博物時有獲異鼠者豹首虎臆  
大如拳職方辛怡諫謂之鼯鼠而賦之若虛曰非也此許



儀禮周禮疏俱引爾雅在家曰畜在野曰獸乃是注中語左傳正義云釋畜馬牛羊雞犬五者之名其豕在釋獸之篇合爲六畜

御覽引爾雅注云駒駝一名野馬與郭注爲二物者不同說文曰駒駝野馬之良也與此正合

鄂州云釋畜曰駒駝馬山海經曰北海內獸狀如馬駒駝獸之善走者既如馬又善走故馬之良者取以爲名古之命馬者大抵如是馬之良者既著稱於世而獸不常見後之博物者往往但存良馬之名而沒野獸之實

駁馬周易正義說卦乾爲駁馬引之按此當是雜色之馬非食虎豹者也但倨牙作鋸牙謂有牙如鋸較倨曲之說

尤直捷

宋史劉敞傳敞奉使契丹順縣山中有異獸如馬而食虎豹契丹不能識問敞敞曰此所謂駁也爲說其聲音形狀且誦山海經管子書曉之契丹歎服

按漢書太僕屬官有昆躡令丞如澗曰爾雅云昆躡研善升廐是也因以爲廐名師古曰昆獸名也研躡謂其蹄下平也善升廐者謂山形如廐而能升之也躡卽古蹄字耳按此以昆爲句卽疏中李氏說郭注則以昆蹄爲句

今本研作趺疑誤御覽引孫炎說與漢書注同趺又作研駮駮枝蹄健爲文學注云駮駮者外國之名枝蹄者枝足也

農師云八尺以上爲龍戎馬之高準此駮卽戎馬故其字指事而戎事齊力當強故曰絕有力駮

健爲文學注駮作雞拘作狗拘俗又作瑪

減鄭音湛廣鄭音光

周禮注引爾雅駮牝牡予駒裏驂疏云引爾雅所釋詩駮牡三千但詩直言牝不言牡爾雅之意以詩人美衛文公直牝有三千其實兼有牡故云駮中所有牝則驪色牡則予色兼有駒裏驂釋文云牝驪絕句牡絕句按此予亦爲句與郭總異也

亭林云郭注以牝爲駮馬牝爲草馬今人則以牡爲兒馬牝爲騾馬而惟牝驪乃言草驪

鄭云康成謂駮牝者色驪牡者色周禮復云七尺以上爲駮據此文勢則駮指爲馬色也當本康成說

鬣犍爲文學作髦左傳注引舍人注鬣鬣一作也繁鬣今

本禮記作蕃鬣

農師云驪白雜毛馮蓋取諸鳥也騅亦馮類取騅之色一曰蒼白雜毛騅一曰蒼黑雜毛騅今騅色在青黑之間亦在青白之間詩曰毳衣如綦傳曰綦騅也然則色在蒼白之間白馬黑鬣駮廣雅作白馬朱鬣駮今呼黃馬尾鬣一道通黑如界者爲駮蓋馬無分子黃白皆謂之駮若今衣脊絡縫故曰駮也

馬二目白魚亦作駮



獵牛鄭云此牛角向前毛白如雪其毛長今人以爲拂子  
出荆夔間

犊牛坊本誤犊

按爾雅牛角一俯一仰觶皆踊齧說文則以一角仰爲齧  
與爾雅不同然易釋文引說文一俯一仰齧則仍與爾雅  
同當是今所傳本異也又子夏傳作契云一角仰也荀又  
作騎可知兩字相通解亦易混不必執一耳

沛說文云二歲牛也音貝又音沛

夏羊牡踰牝殺鄭云疑卽今胡羊也多出夏州今人呼牡  
羊爲殺

鄂州云羊之有粉踰亦猶木之有粉榆其物相類但當以

色爲別蓋粉爲白毳粉亦白榆則猶粉也榆爲黑毳榆不能白則猶粉也色白有辨之義故皆從分色黑有不辨之義故皆從俞又今榆者北方有之故古稱榆塞而江南有刺榆無大榆是南方于羊則有粉而無榆于木則有粉而無榆又相類也

農師云𦍋亡其美成而後足用故字从亡

農師云師眾也𦍋言叢聚

農師云郭璞曰雞大者蜀今蜀雞也雞有蜀魯荆越諸種越雞小蜀雞大魯雞又其大者莊子曰越雞不能伏鵠卵魯雞固能矣成元英曰越雞也荆雞也魯雞今之蜀雞案韓子以魯雞之不期蜀雞之不支則元英所謂魯雞今之

蜀雞非是

鄂州云風俗通曰呼雞曰朱朱漢祝雞翁蓋朱乃祝之轉也又崔豹古今注雞名燭夜爾雅雞大者蜀其音豈又本于此耶郭璞既解蜀爲今之蜀雞廣志又稱大者蜀小者荆而莊子則稱越雞不能伏鵠卵魯雞固能則荆與越爲小蜀與魯爲大荆越相近若蜀者非巴蜀蓋魯成公會于蜀者亦魯地云爾

說文魯郊以丹雞祝日以斯輪音赤月去魯侯之咎蓋魯雞則今

鬪雞左傳季郈之事是也

厚齋云莊子魯雞固能矣注云大雞也今蜀雞雞大者蜀韓文公守戒云魯雞之不期蜀雞之不支是以蜀雞爲小也未詳

鷄誤作鷄

農師云爾雅雞雉皆曰絕有力奮雞雉皆不能遠飛故名云按羊亦曰奮又何也陸氏得無穿鑿耶

小爾雅見孔叢子李軌解不傳宋咸注釋亦甚疎畧爾雅專釋詩小爾雅並釋詩書間有及禮左氏傳者

魏張揖廣雅十卷隋曹憲即傳選學者音釋因避諱改稱博雅

宋陸佃埤雅二十卷羅願爾雅翼二十二卷今俱存誠爾雅之功臣也

存齋爾雅翼自序文用韻甚奇古浚儀後序即效其體益加淹奧俱不朽之鴻篇也

揚子雲方言劉成國釋名乃爾雅之流別所當參讀

爾雅補注卷四  
劉杳要雅劉伯莊續爾雅今俱佚要雅周禮疏引之

乾隆丁未三月十二日盧抱經閱

原抄有此行  
殊筆一行

爾雅補注卷四